

# SCRIPTA

---

**Numéro Scripta :** 5540

**Auteur(s) :** Richard Mansel [particulier]

**Bénéficiaire(s) :** Conches-en-Ouche, Saint-Pierre de Castillon ou Châtillon (abbaye)

**Genre d'acte :** notice

**Authenticité :** non suspect

**Datation :** 1080, 22 mars

**Action juridique :** autre

**Langue du texte :** latin

## Analyse

Notice relatant la convention sur la terre sise à Bailleul[-la-Campagne] que Richard Mansellus et son flis ont cédée à Saint-Pierre de Châtillon.

## Tableau de la tradition

### Éditions principales

a. Delisle Léopold, Passy Louis, *Mémoires et notes de M. Auguste Le Prévost pour servir à l'histoire du département de l'Eure*, Évreux, Hérissé, 1862, t. 1, p. 160.

## Dissertation critique

Cf. Pâque tombe le 12 avril en 1080.

Texte établi d'après a

Sciant presentes et futuri quod Richardus Mansellus, et Garinus, filius ejus, concesserunt Sancto Petro de CASTELLIONE medietatem terræ quæ vulgo dicitur BAILLOL, insuper monasterium, cum cimiterio liberum ; quot etiam homines in hoc cimiterio habere voluerint ad manendum, liberi erunt Sancto Petro, et ipsum etiam altare. Decimam (sic) et campart per medium æque dividetur, excepta decima Huberti, qui liberam tenens, ipse Hubertus, tradidit Sancto Petro, annuente ipso Garino ; post hoc terram unius carrucæ liberam, ultra medietatem supradictam ; omnis autem redditus ipsius terræ communis per medium partietur, exceptis quæ supra diximus. Omne quoque dominium et omnem libertatem Sancto Petro tradiderunt ; adjutorium seu forisfacturam de aliquo homine ipsius terræ nullus capiet, alio ignorante ; capto quoque, per medium dividetur. Ultra cimiterium etiam si homines ad habitandum cum nobis venerint, terram invenient liberam, quo manere poterunt, libertate tali quali in cimiterio. Hæc conventio firmata est per decem libras et unum equum de caritate Sancti, coram Rodulpho de TOTTENEIO et uxore ejus Elisabetha, IVa feria Paschæ, anno ab Incarnatione Domini M° LXXX°, regnante rege Guillelmo in Anglia, Philippo in Francia ; et hæc firmata sunt per Radulfum Tottenensem, cujus foesum erat, assistentibus ex parte Richardi : Roberto de GARENCERES et Heberto de BAILLOLIO ; ex parte Sancti : Ilberto, vicecomite ; Willelmo de ROMELEIO. Hanc conventionem se servaturos in perpetuum sub juramento Richardus et Garinus, filius ejus, presentibus suis testibus, firmaverunt. Sed etiam sciendum est quod succedentibus annis tres filii prædicti Garini, Guillelmus, Garinus et Richardus, medietatem suam prædictæ decimæ de BAILLOL in tres partes æqualiter dividerunt. Guillelmus vero et Richardus suas partes Sancto Petro dederunt annuente Radulpho juniore, assistentibus Willelmo Villano, Gerelino de FRAXINO et Gerelino BUXONE.